

二十四史九通政典類要合編

明

第五十三冊

蘇子成  
編

PDG

明二十四

兵制

明制自京師達於郡縣皆立衛所外統之都司內統於五軍都督府而上十二衛為天子親軍者不與焉征伐則命將充總兵官調衛所軍領之既旋則將上所佩印官軍各回衛所蓋得唐府兵遺意

明史  
兵志

公侯伯皆領都督以統禁兵後又以文臣或內臣提督京營外設衛所都指揮使司以轄鎮守之軍征戍則又設總兵副將參將遊擊之屬文臣統兵者或為經畧或為總督巡撫及兵備道清軍同知

之屬  
續通考  
兵考

初太祖建統軍元帥府尋改大都督府節制中外諸軍

明史  
兵志

先是太祖自和州渡江所下之地置各翼元帥府以總制軍民丙申六月既下集慶置行樞密院於太平總制各翼軍馬已置帳前五翼元帥府五部都先鋒至是改為大都督府以兄子文正為之而

在外者尚仍其舊尋以其權太重設左右都督都督同知都督僉事

續通考  
兵考

太祖為吳王罷諸翼統軍元帥置十七衛親軍指揮使司

明史  
兵志

十七衛曰武德龍驤豹韜飛熊威武廣武興武英武鷹揚驍騎神武雄武鳳翔天策振武宣武羽林

續通考

洪武元年立軍衛法續通考  
兵考

天下既定度要害地一郡者設所連郡者設衛大率五千六百人為衛千一百二十人為千戶所百

十有二人為百戶所設總旗二小旗十大小聯比以成軍明史  
兵志

四月禁內官預政典兵十二月定優給將士例續通考  
兵考

四年閏三月收故元舊軍隸北平諸衛續通考  
兵考

先是命平章胡廷美招集王巴拜散亡士卒凡占籍在元年者聽為民二年以後者籍為軍至是命

侍御史商嵩往山東北平收故元五省八翼漢軍按籍得十餘萬戶每三戶出一分隸北平諸衛續通考

考兵

五月造用寶金符及調發走馬符牌明史  
兵志

用寶符為小金牌二中書省大都督府各藏其一有詔發兵省府以牌入內府出實用之走馬符牌

鐵為之共四十金字銀字者各半藏之內府有急務調發使者佩之以行尋改為金符凡軍機文書

自都督府中書省長官外不許擅奏有詔調軍省府同覆奏然後納符請寶明史  
兵志

十一月定所管逃軍降罰之例續通考  
兵考

明初築集令行民出一丁為軍衛所無缺伍且有羨丁至洪武三年十一月軍士逃亡者四萬七千

九百餘於是下追捕之令立法懲戒小旂逃所隸三人降爲軍上至總旗千戶百戶皆視逃軍多寡  
奪降俸革其從征在外者罰尤嚴明史兵志

五年二月令凡一家父子兄弟從軍者免其父兄續通考兵考

至二十三年正月命一戶二軍者免一人爲民次年詔歸附達軍及邊民爲軍無丁男者除其役二  
十一年惠帝卽位詔興州諸衛軍全家在伍者免一人天下衛所軍單丁者放爲民續通考兵考

八年改在京留守都護爲留守衛指揮使司在外都衛爲都指揮使司明史兵志

先是既立內外衛所而洪武三年升杭州江西燕山青州四衛爲都衛後置河南西安太原武昌四  
都衛以統屬諸衛至是悉改爲都指揮使司北平陝西山西浙江江西山東四川福建湖廣廣東廣  
西遼東河南凡十三甘州大同福建行都指揮使司二俱隸大都督府至十五年增置貴州雲南兩  
都司續通考兵考

十三年正月改大都督府爲中左右前後五軍都督府明史太祖本紀

帝懲胡惟庸之叛革中書省因改大都督府爲五府隸外衛於都司而都司及內衛各以其方隸  
五府惟親軍不屬遂爲定制五都督總兵籍而不與調發兵部得調發而不治兵後定天下都司

衛所共計都司二十一留守司二內外衛四百九十三守禦屯田羣牧千戶所二百五十九儀衛

司三十三自儀衛司以下舊無後以次添設宣慰使司二招討使司二宣撫司大安撫司十六長官司七十原五十九

番邊都司衛所等四百七

明史 兵志

五月詔軍民已有定籍有以民為軍者禁之

續通考 兵考

取兵有從征有歸附有謫發從征者諸將所部兵既定其地因以留戍歸附則勝國及僭偽諸降卒

謫發以罪遷隸為兵者其軍皆世籍

續通考 兵考

十六年命五軍府檄外衛所速速缺伍士卒給事中潘庸分行清理之

明史 兵志

按此明代清理軍伍之始是時兵政修明無勾擾之弊迨其後法日弛而弊日滋勾軍之害不可

勝舉而兵亦日弊矣

續通考 兵考按

十九年六月撫卹從征軍士

續通考 兵考

詔士卒戰傷者除其籍復其家土軍賜復三年改為貼戶死亡者復十年其除籍者仍復三年將校

陣亡其子孫世襲加一等

續通考 兵考

二十年六月諭武臣存卹軍士仍賜軍士護身勅

續通考 兵考

時帝聞世襲武官有苛刻不恤軍士者特勅諭戒之又述軍士始終艱難之故與夫撫綏愛卹之道

為護身勅頒示軍士永為遵守至八月御製八諭勅武臣

續通考 兵考

二十一年令衛所覈實軍伍有匿己子以養子代者不許是年秋令衛所造軍戶籍又置軍籍勘合

明史 兵志

帝以軍伍有缺遣人追取往往鬻法擾民乃詔自今衛所將逃故軍姓名鄉貫編成圖籍送兵部照名行取不許差人又詔天下郡縣以軍戶類造爲冊具載丁口之數取丁則按籍追之無丁者止又命兵部置軍籍勘合遣人分給內外衛所軍士謂之勘合戶由其中開寫從軍來歷調補衛所年月及在營丁口之數如遇點閱以此爲驗底簿則藏於內府

續通考  
兵考

二十二年三月令天下軍丁習匠藝

續通考  
兵考

帝以軍衛營作勞民命各衛所置局每百戶選四人以正軍之弱者分習技藝

續通考  
兵考

二十三年復遣官清理天下將卒部伍

續通考  
兵考

二十四年定勾補軍士之令

續通考  
兵考

令築集軍故戶止一丁者勾有丁貼戶起解軍去原籍遠者解京該府遣人押送若路順及去京遠

者從便解發

續通考  
兵考

二十六年三月定衛所額軍收補軍士及疾病軍人除豁之例

續通考  
兵考

是時定凡天下都司并衛所城池軍馬數目以諸司職掌刊布中外凡內外衛所軍士皆有定數其勾解逃故補役戶丁兌換老疾除豁絕戶皆以定例行之

二十七年四月命罪謫充軍者爲恩軍

續通考  
兵考

二十九年十月選屯田軍士更代京衛老疾士卒

續通考  
兵考

三十四年四月定武官役軍之制

明史兵志

帝以武官多私役軍卒隸法制命禮部考定其從人額數指揮使同知僉事四人千戶三人百戶以下二人皆於正軍伍內取用三日輪番更直下直則歸隊伍操練衛所值廳六人守門二人守監四

人守庫一人止選老軍充之歲一更著爲令

續通考兵考

成祖卽位重定梁集軍更代法

明史兵志

洪武中戶三丁以上梁正軍一名別有貼戶正軍故貼戶丁補役至是令正軍貼戶輪流更代貼戶

止一丁者免之當軍之家免一丁差役已令坐勾軍有見任官及生員吏典等戶止三丁者免勾四

丁以上者以一丁補伍

續通考兵考

永樂元年二月設北京留守行後軍都督府

明史成祖本紀

閏十一月始命內臣出鎮及監京營軍

明史成祖本紀

太祖殞祖訓內官不得兼外臣文武銜嘗鑄鐵脚置宮門內曰內臣不得干預政事預者斬勅諸司不得與文移往來建文帝嗣位御內臣益嚴詔在外稍不法許有司械聞及燕師逼江北內臣多逃入其軍漏朝廷虛實文皇以爲忠於己卽位後遂多所委任永樂元年内宮監李興奉勅往勞暹羅國王三年遣太監鄭和帥舟師下西洋八年都督譚青營有內監千安等又命馬靖鎮甘肅馬騏鎮交趾十八年置東廠令刺事蓋明世宦官出使專征監軍分鎮刺臣民隱事諸大權皆自永樂間始

二年四月更定衛所屯守軍士臨邊險要者明史兵志

視其地之夷險要僻以量人之屯守多寡臨邊而險要者則守多於屯在內而夷僻者則屯多於守

地雖險要而運輸難至者亦屯多於守續通考兵考

五年六月嚴禁衛所官私役軍士續通考兵考

七年五月置調軍勅令明史兵志

帝以邊戍調遣止憑勅書慮或有詐乃以勇敢鋒銳神奇精壯強毅克勝英雄威猛十六字編勅令

百號制勅調軍及遣將比號同方准行續通考兵考

十二年四月己酉頒軍中賞罰號令明史成祖本紀

賞功之制太祖時大賞平定中原征南諸將及雲南越州之功賞格雖具然不豫為令惟洪武二十

九年命沿海衛所指揮千百戶獲倭一船及賊者升一級賞銀五十兩鈔五十錠軍士水陸擒殺賊

賞銀有差永樂時以將士久勞命禮部依太祖升賞例參酌行之其能立奇功者升二級頭功升一

級次功不升續通考兵考

十八年十一月建五軍都督府於北京其在應天者稱南京以各衛所分隸二京續通考兵考

時北京建在南諸衛所北調以孝陵濟川廣洋中水軍左右龍江左右江陰橫江天策英武飛熊廣



武應大等衛留守南京神策鎮南驍騎潘陽虎賁豹韜龍驤鷹揚興武龍虎武德和陽潘陽右等衛  
調守北京留守中左右前後五衛官軍分守南北二京

續通考  
兵考

定三大營之制

續通考  
兵考

京軍三大營一曰五軍一曰三千一曰神機其制皆備於永樂時初太祖於京城內外置大小二場  
分教四十八衛卒已分爲五軍都督府成祖遷都增京衛爲七十二又分步騎軍爲中軍左右掖左  
右哨亦謂之五軍歲調中都山東河南大寧兵番上京師隸之設提督內臣一武臣二掌號頭官二  
大營坐營官一把總二中營坐營官一馬步隊把總各一左右掖哨官如之又有十二營掌隨駕馬  
隊官軍設把總二又有圍子手營掌操練上直又刀手及京衛步隊官軍設坐營官一統四司以一  
二三四爲號把總各二又有幼官舍人營掌操練京衛幼官及應襲舍人坐營官一四司把總各一  
此五軍營之部分也已得邊外降丁三千立營分五司一掌執大駕龍旗寶纛勇士旗負御寶及兵  
仗局什物上直官軍一掌執左右二十隊勇士旗大駕旗纛金鼓上直官軍一掌傳令營旗牌御用  
監盛甲尙冠尙衣尙履什物上直官軍一掌執大駕勇士旗五軍紅盔貼直上軍直官軍一掌殺虎  
手駕轎及前哨馬營上直明甲官軍隨侍營隨侍東宮官舍遼東備禦回還官軍提督內臣二武臣  
二掌頭號官一坐司官五見操把總二十四上直把總十六明甲把總四此三千營之部分也已征  
交趾得火器法立營肄習提督內臣武臣掌號頭官皆視三千營亦分爲五軍中軍坐營內臣一武

臣一其下四司各監鎗內臣一把司官一把總官二左右二哨皆如之又因得都督譚廣馬因置營名五千下坐營內臣武臣各一其下四司各把司官二此神機營之部分也居常五軍肆營陣三千肆巡哨神機肆神機火器大駕征行則大營居中五軍分駐步軍在內騎軍在外騎外為神機神機外為長圍周二十里樵採其中三大營之制如此明史兵志

仁宗洪熙元年始命武臣一人總理營政明史兵志

是年令軍戶重役者止併一處其丁盡戶絕者豁除之其先為事充軍後為官者免補伍續通考兵考

閏四月整飭神機營缺伍續通考兵考

從陽武侯薛祿言選內地衛所軍士補之續通考兵考

宣德四年二月令天下衛所軍士免原籍戶下一丁在營重餘亦免一丁續通考兵考

令天下官吏軍旗公勦勾軍之無蹤者豁免之明史兵志

尚書張本言中外衛所逃軍自洪武以來勾取未獲者終無完期請行天下所屬官吏軍旗人等從公保勘開豁從之六年令勾軍有親老疾獨子者編之近地餘丁赴工運亡例發口外為民者改為罰工一年以示優恤八年免蘇州衛抑配軍百五十九人已食糧止令終其身者千二百三十九人先是蘇常軍戶絕者株連族黨動以千計知府況鍾言於所隸又常州民訴受抑為軍者七百有奇

故特勅巡撫周忱清理之續通考兵考

五年十月以衛官職漕運次年十一月始令官軍兌運民糧續通考

從平江伯陳瑄言也東南之卒由是困續通考

十二月選京衛卒隸五軍訓練明史

成國公朱勇言舊時五軍每軍步騎二萬人後調大同等處備禦令五軍總五萬七千餘人而神機

諸營比舊亦少請令兵部如舊取補帝命於京衛選士卒十萬隸五軍訓練續通考

六年七月編京衛軍士丁口籍續通考

以軍伍不實限衛所官兩月內清理編丁口籍以五府官同科道二人理之以侍郎王驥總督驗實

勦補

八年三月詔遣軍衛在營餘丁續通考

正軍外每軍留一餘悉遣歸已復以幼軍備操者不足三丁至七八丁者選一餘聽治生給軍裝正

軍有故即令補伍毋庸勾攝續通考

九年定平南方蠻賊賞例續通考

三級以上及斬獲賊首俱升一秩餘加賞後至正德十六年定軍官部下斬百級者升署一秩三百

級者實授一秩四百級者升一秩餘功加賞續通考

十月榜諭邊境有願奮勇効力勦賊立功者許赴官自陳續通考

英宗正統元年分遣御史軒輓等清理天下軍政賜敕遣之續通考

二年十月命成國公朱勇大選京軍續通考

勇言五軍營原操官軍調遣及逃故者多乞於屬衛及親軍衛分并三都司官軍內選補十二月勇

言奉命選拔各營精銳官軍十五萬一千有奇欲將續選行在錦衣衛等七十衛軍與之相兼編伍

訓練然內有守陵守衛供役上直者帝命守陵守衛各存其半供役上直旗校隸錦衣衛官操其餘

俱聽訓練補用續通考

十四年九月甲辰遣御史十五人募兵明史景帝本紀

時幹拉將入寇兵部言邇者各營精銳盡遣隨征宜急遣官分頭召募官舍餘丁義勇起集民夫更

替沿河漕運官軍令悉隸神機等營續通考

十月造賞功牌續通考

有奇功頭功齊力之分以文臣主之賊平視此論賞凡挺身突陣斬將奪旗者與奇功牌生擒幹拉

或斬首一級與頭功牌雖無功而有傷與齊力牌續通考

十二月分諸將為三大營續通考

總督軍務尚書于謙言在京官軍雖已選定第為三等若不分將官統領立營訓練恐臨敵時兵不

識將將不識兵強弱不分進退不一難以成功宜以石亨為一營范廣副之楊洪為一營孫鏗副之

各統官軍四萬以柳溥為一營過興副之統官軍二萬另選驍勇頭撥二三千人為遊兵使閑其箠制於平時庶得其死力以禦敵從之續通考 兵考

景帝景泰二年二月分大營軍為三班續通考 兵考

時邊事棘班軍悉留京間歲乃放還取衣裝總兵官石亨言京營諸軍操備日久今聲息稍寧宜令輪流取衣裝尚書于謙言請分為三班尚留兩班在京北直隸保定河間天津各衛所俱放五十日河南山東俱放九十日淮揚鳳陽等處放百日選都指揮指揮勦領回依限赴操紫荊倒馬白羊三關及保定諸城戍卒屬山東河南者亦照此例逃者官鑄秩三等卒盡室謫邊衛至四年三月兵部言舊分三班疏放今十營操練久未疏放請分兩班赴操亦從之續通考 兵考

憲宗成化二年四月山西巡撫李祝請南北軍伍各隨所便著配詔議行之續通考 兵考

定例補伍皆發極邊而南北人易調正統三年大學士楊士奇言以陝西山西山東河南北直之人往南方極邊補伍以浙江閩廣川湖之人往北邊補伍水土不相習北人苦於瘴厲南人苦於嚴寒多致死亡又西北二邊急於防守而其地勇壯之人乃發成南方自今邊卒精解發成宜從南北所宜詔廷臣議行之時鄭瑩掌兵部事曰此舊制不可紊竟寢不行至是始以侃言議行之續通考 兵考

六年十二月減軍士逃亡指揮等官遞降之例續通考 兵考

時南京諸衛軍士逃亡者多科臣言指揮楊榮等宜遞降如例已而南京守備內官言近例太嚴乞

以律科治從之其受賂者仍如例

續通考  
兵考

九年四月移南京神機營於城外

續通考  
兵考

先是京師立神機營南京亦增設與大小二教場同練軍士常操不息風雨方免有逃籍者憲宗命

南給事御史時至二場點閱成國公朱儀及太監安寧不便詭言軍機密務御史詰問名數非宜帝

爲罪御史仍令守備參贊官閱視著爲令

續通考  
兵考

十一年三月命御史十一人分道清軍

明史  
兵志

時遣御史十一人分道清軍以十分爲率及三分者最不及者殿時以罪謫者逃故亦勾其家丁御

史江昂謂非罰弗及嗣之義乃禁之

續通考  
兵考

五月清理營軍虛額

續通考  
兵考

自景泰初年立團營之後僅逾二紀軍籍已減七萬五千七百有奇而月支糧餉如故兵部言良由

總兵等官因襲作弊若不嚴加追究非徒糧餉虛費抑恐兵政日弛無以備緩急之用命從公明白

究理之

續通考  
兵考

十二年七月定京操官軍逃亡罪則

續通考  
兵考

凡缺一班者仍准近例罰班半年官一班軍二班不到者發附近等關罰班半年餘各量其久近遞

發邊衛其既上班而逃者遞減一等科斷其逃亡不獲者移文清軍御史督令所屬住俸勾補從之

續通考

兵考

十三年七月令軍人事故者以壯丁解補

續通考  
兵考

總兵官朱勇等言軍伍例以嫡繼非所當繼雖有壯丁不得應役或其子幼例當繼錄以致軍伍精壯者少請令此後凡有軍人事故其嫡長子孫幼小卽於戶內揀選壯丁解補不必拘於舊例從之

續通考

兵考

十二月開豁府軍前衛幼軍

續通考  
兵考

府軍前衛幼軍係永樂間僉役以備宣宗爲皇太孫時隨侍之數五倍他衛天順末詔令有故者不必僉補原額二萬八千至此逃亡疏放之餘止存八千有奇一切操備應役之處軍去役存掌衛事伏羌伯毛銳以爲言詔所司清理開豁之至武宗卽位時亦有此令

續通考  
兵考

是年定北邊賞例

續通考  
兵考

北邊自甘肅迤東抵山海關凡一人斬一級者進一秩至三秩止二人共斬者爲首進秩同壯男與實授幼弱婦女與署職爲從及四級以上俱給賞領軍官部下五百人者獲五級進一秩領千人者

倍之

續通考  
兵考

又平定內地反賊賞例

續通考  
兵考

斬六級者陞一秩至三秩止幼男婦女及十九級以上與不及數者給賞

續通考  
兵考

二十年四月立禪忠効義二營練京衛舍人餘丁

續通考  
兵考

時遣科道官選闕各衛舍人餘丁三丁取一送五軍營訓練以俟調遣得萬二千人分爲二營營立

四司二營永樂間設後廢至是復設弘末以無益罷

續通考  
兵考

十二月禁鎮守等官請京軍隨行

續通考  
兵考

二十二年五月令各邊軍馬數目地方圖本每歲奏報

續通考  
兵考

故事各邊軍馬數目地方圖本三年一造冊奏報尙書馬文升言恐其間消長參差卒然有警難以調度請改議地方稍遠者歲於季冬一報多事之地於夏冬之季再報不須造冊具名第以章奏具書見兵幾何其中騎幾何步幾何任戰者幾何冬操夏屯者幾何有故者幾何如期至部違者治之

其三年造冊畫圖如舊兼行之

續通考  
兵考

孝宗弘治二年二月命在間侯伯駙馬隨操讀書於五軍營別立一隊以處之

續通考  
兵考

九年六月尙書馬文升請飭武備

續通考  
兵考

按是時營軍久苦工役成化末余子俊常言之文升復力陳其不可一時科道等亦屢以爲言孝

宗納而行之故弘治之末禁旅稱稍強云

續通考  
兵考

十七年六月嚴禁兵政弊端

續通考  
兵考

兵部尙書劉大夏陳兵政弊端十事謂京師官軍在衛者苦於出錢在營者困於私役逼令逃亡江



三四五通... 卷一百一十  
南軍士多因漕運破家江北軍士多以京操失業竭軍民之力以運糧儲而濫食者不知醫生民之

財以買戰馬而私用者不顧鎮守者或害一方守備者或害一城邊軍最苦而升賞恆施於勢要禁

衛最嚴而苞苴公行於肘腋帝以所言明白切要詔嚴加禁止時大夏柄兵請占役頓減已復奏減

脩乾清宮軍十之五內官阻之大學士劉健曰愛惜軍夫司馬職也帝欣然納之續通考

十八年三月戶部主事李夢陽極言內臣典兵豪勢占役之弊以語侵壽寧侯下獄遂格不行明史

兵志亦書之但誤刊作劉夢陽續通考

九月命今後總兵官親禦大敵官軍退縮者聽以軍法從事續通考

敕保定班軍回衛團操續通考

帝欲宿兵近地爲左右輔尙書劉大夏言保定設都司統五衛祖宗意亦當如此請遣還操軍萬人

爲西衛納京東兵密雲薊州爲東衛帝報可時中監京營者悉失兵柄揭飛語宮門帝以示大夏曰

必此曹不利失兵耳由是間不得行續通考

武宗正德三年五月以中式武舉分往陝西三邊聽用

武舉之議發於弘治時至是乃備其制兵部請依條格用之詔令分往陝西三邊聽鎮巡官編入行

伍有警調用使知地理邊謀若謀勇過人有功可錄者擢用之續通考

十月革衝鋒破敵慶戰等賞格續通考